

IZVJEŠTAJ
O RADU ODBORA ZA ROME PRI VIJEĆU MINISTARA BOSNE I HERCEGOVINE
ZA 2022. GODINU

Sarajevo, mart 2023. godina

Sadržaj

Uvod.....	3
CILJEVI I ZADACI.....	4
NAČIN RADA.....	5
REALIZACIJA CILJEVA I ZADATKA.....	5

IZVJEŠTAJ
O RADU ODBORA ZA ROME PRI VIJEĆU MINISTARA BOSNE I HERCEGOVINE
ZA 2022. GODINU

Uvod

U skladu sa Programom rada Vijeća ministara BiH, Ministarstva za ljudska prava i izbjeglice BiH (*u daljem tekstu: MLJPI*) i Odbora za Rome pri Vijeću ministara Bosne i Hercegovine (*u daljem tekstu: Odbor za Rome*), sačinjen je Izvještaj o radu Odbora za Rome pri Vijeću ministara Bosne i Hercegovine za 2022. godinu (*u daljem tekstu: Izvještaj*).

Odbor za Rome osnovan je Odlukom o osnivanju Odbora za Rome pri Vijeću ministara Bosne i Hercegovine („Službeni glasnik BiH“, broj 85/12) (*u daljem tekstu: Odluka o osnivanju*) na 20. sjednici Vijeća ministara Bosne i Hercegovine održane 18.09.2012. godine, a Odlukom o imenovanju Odbora za Rome pri Vijeću ministara Bosne i Hercegovine („Službeni glasnik BiH“, broj 44/22) (*u daljem tekstu: Odluka o imenovanju*) imenovan je V saziv ovog nezavisnog tijela, savjetodavnog karaktera pri Vijeću ministara Bosne i Hercegovine. na 49. sjednici Vijeća ministara Bosne i Hercegovine održane 20.04.2022. godine.

Oblast rada i djelovanja Odbora za Rome nalazi se u Strategiji Bosne i Hercegovine za rješavanje problema Roma („Službeni glasnik BiH“, broj 67/02) (*u daljem tekstu: Strategija*) i Akcionom planu Bosne i Hercegovine za društvenu uključenost Roma i Romkinja za period 2021-2025 godinu („Službeni glasnik BiH“, broj 40/22) (*u daljem tekstu: APR 2021/2025*).

U skladu s Odlukom o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine („Službeni glasnik BiH“, broj 66/19) koju je Vijeće ministara Bosne i Hercegovine donijelo na svojoj 176. sjednici održanoj 05.18.2019. godine, Odbor za Rome sastoji se od 22 člana koji se imenuje na period od 4 godine i to od:

- 11 predstavnika Roma i
- 11 predstavnika institucija i 11 zamjenskih članova.

Ispred institucija Bosne i Hercegovine po jednog predstavnika i jednog zamjenskog člana ispred: Ministarstvo za ljudska prava i izbjeglice Bosne i Hercegovine, uključujući i Agenciju za ravnopravnost polova Bosne i Hercegovine, Ministarstvo financija i trezora Bosne i Hercegovine, Ministarstvo civilnih poslova Bosne i Hercegovine, Ministarstvo sigurnosti Bosne i Hercegovine, Ministarstvo pravde Bosne i Hercegovine, Direkcija za evropske integracije i Agencija za zapošljavanje Bosne i Hercegovine.

Također, po jednog predstavnika i jednog zamjenskog člana predlažu vlade Federacije Bosne i Hercegovine, Republike Srpske i Brčko distrikta Bosne i Hercegovine.

Članove Odbora za Rome ispred registriranih romskih udruženja, po principu jedno udruženje jedan glas, osiguravajući ravnopravnu teritorijalnu zastupljenost, bira se iz Federacije Bosne i Hercegovine šest članova i to po jednog člana :

- Sarajevskog kantona, Zeničko-dobojskog kantona, Unsko-sanskog kantona, Tuzlanskog kantona, Srednjobosanskog kantona i Hercegovačko-neretvanskog kantona.

Iz Republike Srpske tri člana i to:

- sa područja regije Banja Luke, Doboja i Bijeljine.

Iz Brčko distrikta Bosne i Hercegovine jednog člana.

Poštujući odredbe Zakona o ravnopravnosti spolova Bosne i Hercegovine, Ženska romska mreža u Odbor za Rome također predlaže jednu predstavnicu.

CILJEVI I ZADACI

Odbor za Rome kao nezavisno tijelo, savjetodavnog karaktera pri Vijeća ministara Bosne i Hercegovine ima nadležnost da raspravlja o svim značajnim pitanjima koja su navedena u gore nabrojanim dokumentima, te na osnovu njih prati provođenje strateških ciljeva i zadataka, te na osnovu istih predlaže postupke za realizaciju, izvještava o postignutim rezultatima i implementaciji istih.

Ovo savjetodavno tijelo pri Vijeću ministara Bosne i Hercegovine aktivno učestvovao u kreiranju budžeta za realizaciju zadataka iz APR 2021/202, kao i kreiranju programskog budžetiranja za svaku godinu.

U skladu sa navedenim, Odbor za Rome je u ovom izvještajnom periodu bio zadužen da izvršava poslove i radne zadatke, i to:

- a) sistemsko praćenje provođenja Akcionog plana za društvenu inkluziju Roma i Romkinja;
- b) donosi operativne planove i predlaže mjere za unapređenje provođenja Akcionog plana;
- c) putem svojih predstavnika inicira aktivnosti na osiguranju sredstava u budžetima institucija na nivou Bosne i Hercegovine i entiteta za potrebe realizacije Akcionog plana;
- d) prati utrošak odobrenih sredstava u budžetima institucija Bosne i Hercegovine i institucija entiteta za realizaciju Akcionog plana u svim oblastima te dinamiku realizacije istih;
- e) uključuje se u ostvarivanju kontakata sa potencijalnim donatorima i drugih zainteresiranih strana na osiguravanju sredstava za provođenje Akcionog plana;
- f) u cilju donošenja validnih stavova, zaključaka i preporuka, Odbor može, u skladu sa finansijskim mogućnostima, formirati stalne ili povremene komisije i tematsko- stručne grupe, a posebno u okviru implementacije Akcionog plana;
- g) svojim aktom utvrdit će sistem monitoringa realizacije utvrđenih planskih aktivnosti za Rome u Bosni i Hercegovini te pratiti metodologiju utroška donatorskih i budžetskih sredstava namijenjenih za realizaciju Akcionog plana.

NAČIN RADA

Način rada i odlučivanja, uređen je Poslovníkom o radu Odbora za Rome. Na čelu Odbora za Rome nalazi se predsjednik koji predsjedava radom Odbora za Rome, vodi sjednice i isti predstavlja pred organima i institucijama na svim nivoa vlasti u Bosni i Hercegovini i u javnosti.

Zaključke, preporuke i mišljenja o pitanjima koje ovo savjetodavno tijelo donosi na sjednicama, Odbor za Rome usvaja većinom glasova prisutnih članova. Stručnu i administrativno - tehničku pomoć Odboru za Rome pružaju dva državna službenika ispred MLJPI .

REALIZACIJA CILJEVA I ZADATKA

U skladu sa ciljevima i zadacima koji su definirani Odlukom o osnivanju Odbor za Rome, u izvještajnom periodu za 2022. godinu, ovo savjetodavno tijelo održalo je samo jednu sjednicu. Iako je Vijeću ministara Bosne i Hercegovine 20.04.2022. godine imenovalo V saziv Odbora za Rome, ovo savjetodavno tijelo nije uspjelo da održi više sjednica.

MLJPI kao pružatelj stručne i tehničke podrške ovom savjetodavnom tijelu, u nekoliko navrata pokušalo je da organizira Konstituirajuću sjednicu, ali zbog nepostojanja kvoruma, svaki predloženi termin je bio otkazan.

Prva zakazana Konstituirajuća sjednica za 26.05.2022. godine je otkazana, drugi termin zakazana je za 07.06.2022. godine, koja je zbog nepostojanja kvoruma otkazana, te novi termin predložen za 08.06.2022. godine. S obzirom na to, da je se ušlo u period korištenja godišnjih odmora, slijedeća sjednica predložena je sa se održi u 08.09.2022. godine, ali zbog istih razloga sjednica nije održana. Slijedeći predloženi termin za održavanje sjednice MLJPI je zakazalo 05.10.2022. godine, koja je također otkazana.

Nakon svih otkazanih sjednica, I konstituirajuća sjednica održala je se 22.11. 2022. godine, na kojoj je izabrano novo rukovodstvo, predsjedavajući i zamjenik predsjedavajućeg, usvojen je Poslovník o radu Odbora za Rome pri Vijeću ministara Bosne i Hercegovine, te donesen Operativni plan rada za 2022. godinu.

Na ovoj sjednici, članovi Odbora za Rome izrazili su svoje nezadovoljstvo sa raspodjelom Grant sredstava za realizaciju APR 2021/2025 iz budžeta MLJPI, te predložila da prilikom izrade budžeta za narednu godinu uključe i ovo savjetodavno tijelo pri izradi istog.

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja Izvještaja o radu Odbora za Rome pri Vijeću ministara Bosne i Hercegovine za 2022. godinu donese slijedeći:

ZAKLJUČAK

- 1) **Usvaja se Izvještaj o radu Odbora za Rome pri Vijeću ministara Bosne i Hercegovine za 2022. godinu.**
- 2) **Zadužuje se Ministarstvo za ljudska prava i izbjeglice Bosne i Hercegovine da objavi Izvještaj o radu Odbora za Rome pri Vijeću ministara Bosne i Hercegovine za 2022. godinu na web stranici Ministarstva.**